



Երևան, Հոկտեմբեր 1963: Շահինեան ընտանիքը Միացեալ Նահանգներէն այցելութեան եկած է Հայաստան: Հոս, անոնք կը մասնակցին Երևանէն դուրս դաշտագնացութեան մը:

Ուոքի կանգնած մարդը Վաղարշակ Շահինեանն է, որ այսպիսի առիթներ չէր փախցներ իր անուշ ճայնով Վանի երգեր երգելու և ներկաները խանդավառելու: Միս կանգնած անձը՝ Շուշանիկն է, որ Վանի երգերու յիշողութեան շտեմարան մըն էր: Իր գեղեցիկ ճայնով յաճախ կը միանար Վաղարշակին և կ'ամբողջացնէր ամուսինին մոռցած երգերուն տողերն ու տուները: Հոս ան իր քամերայով ֆիլմի կ'առնէ տեսարանը:

Գետին նստած մարդը՝ Անդրանիկ/Էնտի Շահինեանն է: Ան կը հանդիսանայ Վաղարշակին երգերուն ժառանգորդը և պահպանողը: Անդրանիկ իր տըմպէքով կամ ջութակով յաճախ կը միանար հօրը երգերուն, յաճախ նաև կը ճայնակցէր անոր: Շատ կարևոր է նշել նաև որ ան կը ճայնագրէր այսպիսի երգային պահեր:

Վաղարշակին ճիշդ առջև կ'երևի իր քոյրը՝ Տիգրանուհին, որ կ'ապրէր Սոչի: Ան ևս Վանի երգերու հարուստ երգացանկի մը կը տիրապետէր: Ձախին նստած պատանին Արմէն Շահինեանն է՝ Անդրանիկին որդին՝ Վաղարշակին թոռը: Հայերէն լաւ չի տիրապետէր, հայերէն ընթերցել չի կրնար, պատկերին մէջ աւելի դիտողի քան թէ մասնակցի դիրքին մէջ է: Բայց Արմէնը մեծցած է վանեցիական այս երգերու և քէֆերու մթնոլորտին մէջ, ան կը կրէ այս հոգեմտաւոր հարուստ ժառանգութեան դրոշմը:

Արմէնը այսօր դարձած է ընտանեկան այս մշակութային ժառանգութեան գլխաւոր պահպանիչներէն մէկը: Շնորհիւ իր հետ գործակցութեան է, որ կարելի եղաւ պատրաստել Վանի բացառիկ երգերու Յուշամատենի այս էջը: Պատանի Արմէնին նայուածքին մէջ կարծես թէ արդէն կ'երևի այս էջին իրականացումին խոստումը...



Հայաստան, Խանոյեան ընտանիքին հետ դաշտագնացութիւն մը, Հոկտեմբեր 1963-ին: Այս մէկը վանեցիական փոքր հաւաքոյթ մըն է, նկատի ունենալով որ հոս ներկայ են Վաղարշակ Շահինեանը և քոյրը՝ Տիգրանուհին: Այս վերջինը յատուկ եկած էր իր բնակավայրէն՝ Սոչիէն, հանդիպելու համար Վաղարշակի որդւոյն՝ Անդրանիկին հետ, որուն վերջին անգամ տեսած էր 1918-ին, Երևանի մէջ, երբ ան տակաւին նորածին մըն էր:

1. Մարուսիա Խանոյեան, 2. Ալլա Յարութիւնեան, 3. Տիգրանուհի, 4. Վաղարշակ Շահինեան
5. Ասիա Խանոյեան, 6. Սեդա Խանոյեան, 7. Ալիս Շահինեան, 8. Աշոտ Յարութիւնեան,
9. Շուշանիկ Շահինեան, 10. Անդրանիկ Շահինեան